

## Иисус Христос балдихани

1 Тэй эрживэ эден Август боа ялодоани би найсалба хэм таоми нирувэҗкини. 2 Квириний Сириява далачайдоани тэй чу боҗго нирун бичин. 3 Най таони мэнэ хотончий мэпи нирундэми энэхэни. 4 Иосиф Давид халалани бичини, тотами нёани-да Назарет хотондиади Галилея боадани Иудея боачиани Вифлеем, гойдима гэрбуни Давид, хотончиани энэхэни. 5 Нёани бээду би асидии Марияди гэсэ ниругуи энэхэни. 6 Нёанчи чаду бидуэчи, Нёани хорайни эрин исихани. 7 Нёани Акпало, Хусэ Пиктэгуи бахани, туй тара Нёамбани хукухэни, исиачиори дэгду бэун-дэ аба бими, Нёамбани удин сиарини отондоани нэхэни. 8 Тэй калтадиаду аоданду удимбэ этумдисэл долбо мэнэ ёнаи этухэчи. 9 Олокиана нёанчи дюлиэлэни Эндур Мэдуҗкуни агбиҗкини, нёамбачи Эндур җэгденди миас гарпахани, туй тамари нёанчи маҗга җэлэхэчи. 10 Мэдуҗку-тэни нёанчиани уҗкини: «Эди җэлэсу! Ми сунчи даи агдапси мэдэвэ олбиҗкимби. Хэм найсал тэй мэдэди агдадярал. 11 Эйнивэ Давид хотондоани суэ Хоримдису балдихани, тэй Эден Христос. 12 Гэ, суэ сагоасу: удин сиарини отондо, хукучэку аори Оҗакава бадясу». 13 Олокиана Мэдуҗку хамиалани Боа чаохани тэҗ эгдиди агбиҗкини, тэй чаоха Эндурбэ гэбулэлүхэни: 14 «Гэбу Эндурду Боаду бигини, наду кэвэли биури найсалду Эндур чихалаорини бигини». 15 Мэдуҗкусэл боачи дэгдэгуйдуэчи, этумдисэл диа диачиари уҗкичи: «Вифлеемчи энэгуэри Эндур хайва-да бумбивэ саванҗкимбани хай-да чаду очимбани ичэндэгуэри». 16 Будуримэри исихачи, чаду Мариява, Иосифба гучи удин сиарини отондо аори Оҗакава бахачи. 17 Нёамбани ичэгупэри-тэни, Эндур Мэдуҗкусэлни тэй Оҗакава кэкчэүхэн дякава хэм гисурэхэчи. 18 Хэмту найсал этумдисэл гисурэйвэчи эрдэҗгэсимэри досидяхани. 19 Мария-тани тэй хэсэсэлбэ мэнэ миавандои чуҗну нэүчэхэни. 20 Эмуту Мэдуҗку дюлэ этумдисэлчи

уҮкини-мэт, тамача-да биухэмбэ нёанчи долдихачи, ичэхэчи, тотара  
Эндурбэ маҮгади мактамари, гэбултэмэри мочогахачи.